

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), Odluke o sistemu koordinacije procesa evropskih integracija u Bosni i Hercegovini („Službeni glasnik BiH“, broj: 72/16), Vlada Zeničko-dobojskog kantona, na 120. sjednici, održanoj dana 04.12.2017. godine, d o n o s i

ZAKLJUČAK

I.

Ne prihvata se prijedlog poslanika Jasmina Duvnjaka za Program rada Skupštine Zeničko-dobojskog kantona za izradu Informacije/Izvještaja o evropskim integracijama i obavezama ZDK.

II.

Zaključak stupa na snagu danom donošenja.

Broj: 02-_____ /17.
Datum, 05.12.2017. godine
Z e n i c a

PREMIJER

Miralem Galijašević

DOSTAVLJENO:

1x Stručna služba Vlade,
1x Stručna služba Skupštine,
1x Kantonalni koordinator za evropske integracije,
1x a/a.



Broj: 19-34-13360-2-7-2/17
Zenica, 28.11.2017. godine

STRUČNA SLUŽBA VLADE
N/r Mirsad Kadić, sekretar

PREDMET: Izjašnjenje na prijedlog poslanika Duvnjak Jasmina za Program rada Skupštine za 2018. godinu i Prijedlog Zaključka radi uvrštavanja na sjednicu Vlade, dostavlja se

U skladu sa aktom Skupštine broj: 01-34-13360-2-7/17 od 27.11.2017. godine, koji ste nam dostavili dana 28.11.2017. godine u 14:32 fax-om, sa zahtjevom za hitno izjašnjavanje, a koji se odnosi na prijedlog poslanika Skupštine Duvnjak Jasmina da se u Programu rada Skupštine za 2018. godinu uvrsti razmatranje Informacije/Izvještaja o evropskim integracijama i obavezama Zeničko-dobojskog kantona, obavještavamo Vas o slijedećem:

Poslovi evropskih integracija se obavljaju u skladu sa Odlukom o sistemu koordinacije procesa evropskih integracija u Bosni i Hercegovini (“Službeni glasnik BiH”, broj: 72/16).

U skladu sa članom 4. stav (1) navedene Odluke, **Kolegij za evropske integracije je najviše političko tijelo u sistemu koordinacije procesa evropskih integracija** u Bosni i Hercegovini, koje osigurava usaglašenost stavova o ključnim, strateškim i političkim pitanjima u oblasti evropskih integracija te u krajnjoj instanci, otklanja eventualne zastoje u ispunjavanju obaveza iz procesa integracije Bosne i Hercegovine u Evropsku uniju. **S obzirom da je premijer Zeničko-dobojskog kantona član Kolegija za evropske integracije, za ovu vrstu informacije/izvještaja potrebno je da se poslanik obrati premijeru Zeničko-dobojskog kantona, a ne koordinatoru za evropske integracije.**

Navedena obaveza izvještavanja Skupštine za kantonalnog koordinatora ne proizilazi iz Odluke o sistemu koordinacije procesa evropskih integracija u Bosni i Hercegovini („Službeni glasnik BiH“, broj: 72/16) niti iz Rješenja o imenovanju na poziciju kantonalnog koordinatora 02-34-10476/14 od 05.05.2014. godine (u prilogu).

U skladu sa Uredbom o Stručnoj službi za razvoj i međunarodne projekte – **Prečišćeni tekst („Službene novine Zeničko-dobojskog kantona“, broj 4/14), Stručna služba za razvoj i međunarodne projekte nije nadležna za poslove koordinacije procesa evropskih integracija.**

Međutim, s obzirom da je sekretar Stručne službe za razvoj i međunarodne projekte Rješenjem bivšeg premijera imenovana na poziciju kantonalnog koordinatora za evropske integracije, ista se pravovremeno obratila premijeru dopisom broj: 19-28-285-17/15 od 13.3.2015. godine (u prilogu) kako bi dobila instrukciju o daljnjem postupanju. U skladu sa usmenom instrukcijom premijera, nastavila je da obavlja poslove kantonalnog koordinatora po ranijem Rješenju i dalje bez naknade i uglavnom van redovnog radnog vremena, te tokom godišnjeg odmora i praznika. Ovim Rješenjem je propisana samo obaveza informisanja Vlade, ali ne i Skupštine.

Sekretar Stručne službe za razvoj i međunarodne projekte je, pored funkcije kantonalnog koordinatora, također imenovana na 3 pozicije u procesu evropskih integracija, te je u skladu sa tim imenovanjima, pored redovnih poslova i zadataka, te pored poslova

kantonalnog koordinatora za evropske integracije (u skladu sa gore navedenim Rješenjem) obavljala i slijedeće poslove i zadatke:

- stalni član Komisije za evropske integracije (u skladu sa Odlukom Vijeća ministara o uspostavljanju Komisije za evropske integracije („Službeni glasnik BiH“, broj: 79/16) i Odlukom o sistemu koordinacije procesa evropskih integracija („Službeni glasnik BiH“, broj: 72/16),
- član savjetodavnog tijela Kolegija za evropske integracije (u skladu sa dopisom premijera broj: 02-45-18467-1/16 od 21.11.2016. i Odlukom o sistemu koordinacije procesa evropskih integracija („Službeni glasnik BiH“, broj: 72/16))
- kontakt osoba/koordinator za koordinaciju daljnjeg rada na Upitniku Evropske komisije (u skladu sa dopisom premijera broj: 02-34-18661/16 od 16.11.2016. godine).

Sve ove 4 funkcije obavlja bez naknade, uglavnom izvan radnog vremena, tokom godišnjeg odmora, praznika i vikenda. Nijedno od ovih imenovanja ne predviđa informisanje Skupštine

Uzimajući u obzir sve gore navedeno, u prilogu Vam dostavljam Prijedlog Zaključka radi uvrštavanja na dnevni red sjednice Vlade.

S poštovanjem,

Prilozi: kao u tekstu

Dostavljeno:

1x Naslovu

1x Ured premijera, n/r premijera

1x a/a

SEKRETAR

mr.sc.ecc. Đenana Čolaković, dipl.ing.maš.
**stalni član Komisije za evropske integracije/
kantonalni koordinator za evropske
integracije**